



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 78. Bimestris dilatio novæ electionis decreta.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. LXXVII.

Sæcul. XV.

A C. 1439.

Sessio XXXV. Basileensis Synodi.

Nec tamen graves istæ Principum querelæ a Basileensibus impetrare poterant, quo minus illi in ea, quæ destinauerant, præcipiti impetu ruerent, & cæpta demum consilia exequerentur. Quapropter die secunda Mensis Julii trigessimam quintam celebrabant Sessionem, *Sede Apostolica*, ut ajebant, *vacante*. Ubi tamen nova, atque diuturna altercatio oriebatur ex quæstione, an expediret illico novum creari Pontificem, vel an potius electio pro bono Ecclesiæ differenda esset; Præcox quorundam opinio erat, novam electionem omni modo maturandam esse, sic exigente Ecclesiæ utilitate. Verum Joannes Segoviensis celerem novi Pontificis electionem humani quidem, illius vero dilationem ad bimestre divini consilii rem fore affirmabat, dicebatque, honestatem, ac decentiam quantumvis forte periculosam, satius esse sequi, quam utilitatem securam.

*Labbe Conc.
to. 13. p. 621.*

§. LXXVIII.

Bimestris dilatio novæ electionis decreta.

Vicit Segoviensis sententia, unde Patres bimestrem dilationem decreverunt,

ia

Sæcul. XV. in hoc morem gerentes Sessiois sepe
 A C. 1439. mæ statuto, quo præceptum erat, ut le-
 cra Sede vacante, non nisi elapso sex-
 ginta dierum intervallo ad novi Pontifi-
 cis inaugurationem procederetur. Præ-
 terea iidem, ut Concilii sui firmitati pro-
 spicerent, declararunt, quod facta Euge-
 genii depositione *per recessum quorundam*
que ab hac civitate Basileensi non sit, nec
conferatur Concilium dissolutum, sub quo-
cunque obtentu, nisi consentientibus duo-
bus partibus ejusdem Concilii, juxta decretum
undecimæ Sessiois ejusdem Synodi. Utque
 hoc decretum magis adhuc firmaretur,
 ad illius executionem selecti sunt præ-
 latorum nonnulli; quos de stabilitate
 appellarunt, hinc & prædictæ Sessiois
 inscriptio facta est de stabilitate Concilii.

§. LXXIX.

Pestis Basileam sæve depopulata.

Vix absoluta erat Sessio ista, cum ecce
 sævissima lues tanta vi Basileam de-
 vastat, & undique grassatur, ut ex Pe-
 tribus plurimi Synodum dissolvere, ac ce-
 tata fuga sibi consulere meditentur.
 Hujus mali vi e vivis excessit Ludovicus
 Protonotarius, cujus supra meminimus.

Æn. Sylv. de Paucis ex post diebus Patriarcha Aquile-
gest. Conc. lejenfis, magnus Regis Arragoniæ
Basil. in Fast. leemosynarius, Lubecensis, & Constantien-